

Hannonia Comitatus. Cui adjungitur Namurcensis Comitatus.

Regio.

Nomina & unde deducta.

Situs.

Cæli temperies.

Soli fertilitas.

Imperium, majorum.

Urbes.

Landreth

Hannonia Nerviorum olim sedes, quorum caput hodie dicitur Tornacum, quod Ptolemæus *Bægan* vocat. Sæpius hæc Regio mutavit nomen: initio dicta est *Pannonia*, Lessabeo teste, a Panos cultu: postea *Saltus Carbonarius*, inde *Inferior Picardia*: postremum *Hannonia*, ab *Hania* Fluvio qui mediam regionem secat, vernacule *Hainault* vel *Henegouvv*, ab eodem fluvio, Gallis *Haine*, sive *Hene* dicto, & antiqua voce Germanica *Gouvv*, quæ Regionem vel Pagum significat. Habet a Septentrione Brabantiam, & Flandriam: ab Austro Campaniam & Picardiam, ab Ortum Namurcenses & Leodienses, cum dicta Brabantia: ab Occasu Flandriam cum Artesia. Longa est universa Regio viginti miliaribus: Lata *xv*. Aër temperatus, suavis & serenus: Solum fertile, ac cæterarum Frugum, sed præcipue Frumenti præstantissimi ubertas maxima. Abundat Præis, Pascuis, Pomariis, aliisque ad vitæ usû rebus necessariis. Habet & Metalla Ferri optimi, & Plumbi: præterea Lapidicinas variorum Marmorum, atque etiam duri Silicis quem Ovidius Indicem, & *libanthracon*, *Houles* vernacule Leodienses vocant. Ignem flammamque concipiunt foyentque, ut carbones: nec alius eorum usus quam focis exstruendis, lignis aliquot adjectis. Conflantur hic quoque Vitreæ illæ laminæ pellucidæ, quibus omnem cæli injuriam ex templis & ædibus propellimus, hæque præ aliis quæ alibi locorum sunt, palmam præstantia ferunt. Omne item vitreorum vasorum genus, & supellex hic conficitur. Provincia hæc frequenter Dominos mutavit, ac tandem a stirpe Montensium ad Flandriæ Comites, inde ad Batavicam, deinde ad Bavaricam, ex hac in Burgundicam, postremo ad Austriacam familiam devoluta est. Urbes in Hannonia fossa valloque munitæ sunt *xxiv*, inter quas primariæ *Montes* & *Valencena*. *Montes*, *Mons* vulgo, urbs ad Trullam fluvium navium tamen capacem, sita, amplitudine & vallatis mœnibus inclita est. Fontes in ea vivi permulti: opes amplæ ex mercimoniis, opificiis & agricultura. *Valencena* vel *Valencena*, seu, ut quidam volunt, *Valentiniana* (*Valenciennes*) ab ejus nominis Imperatore, ut autor est Sigebertus Gemblacensis, ad Scaldim sita est, plantitie peramœna, eoq; tuta ab hoste. In ea est Armamentariû ad belli usus instructissimum. Tempia duo, unum Sacrum B. Virgini, structura antiqua, cuius columnæ, ex Marmore & Lapide Porphyretico: alterum S. Joanni recentius, opus Pepini, Patris Caroli Magni: Cænobia plura: unum præ cæteris nobile Franciscanorû, quo Comites Hannoniæ & Domini Valencenæ seorsim sepeliuntur. Curia amplissima cû Horologio celeberrimo, opus Guilhelmi Boni Comitis Hannoniæ, Hollandiæ & Zelandiæ. Sunt præterea *Condatum* (*Condé*) ad dexterâ Scaldis ripâ duobus miliaribus Valencena distans, Opidum elegans: *Landresium* (*Landresy*) ad Sambrâ, celebre obsidione Caroli v. *An. M. D. xliii* qui tamē eo per vim potitus nō est: *Avesna* (*Avesnes*) Urbs & Munimentum Gallorum finibus oppositum; ad fl. Hepram: *Chimacum* (*Chimay*) urbs ad fluvium *Blancâ* in media Silva, id nuperis bellis sæpiuscule incensum, dirutum; tamē ad extremum ita restitutum, ut multo elegantius renatum videri possit, Palatium